

FLEIRE MED

– SAMAN FOR LOKALSAMFUNNET



FRIVILLIGSTRATEGI HJELMLAND KOMMUNE

2021-2025

Revidert utgåve. Sendt ut på høyring, vedtak formannskapet sak 32/2021.

Innhald:

- 1 Bakgrunn
- 2 Kommunen sin strategi
- 3 Dei 10 frivilligpolitiske boda
- 4 Årshjul



1 Bakgrunn

KS har laga ei plattform for samspel og samarbeid mellom frivillig og kommunal sektor med Frivillighet Norge. I plattformen vert det m.a. sagt at kommunen må leggja til rette for frivillig sektor, og bør difor utvikla ein eigen lokal frivilligpolitikk. I lov om folkehelse står det under paragraf om kommunen sitt ansvar: «Kommunen skal legge til rette for samarbeid med frivillig sektor».

Strategien vart utarbeidd og sendt på høyring i november/desember 2017, og endeleg vedteken av kommunestyret 14.12.2017, sak 78/17. Planstrategien seier at det skal vere ein revisjon av Frivilligstrategi i løpet av 2021. Samarbeid med frivillig sektor handlar om meir enn samarbeid mellom dei over 80 lag og foreningar som er registrert hjå oss. Det handlar også om møtet med enkeltpersonar som vil gjera ein innsats, og om td foreldregrupper som er med på dugnad. Både dei som er organisert via det ordinære foreningslivet, og dei som trør til i andre samanhengar, er innbyggjarar som er verdifulle for kommunen, og er med på å skapa gode lokalsamfunn. Gode rutinar for samarbeid med grendeutvala i kommunen har hatt særleg fokus, og dette blir synleggjort i strategien.

Frivilligstrategien er godt forankra i kommuneplanen (2019-2023): «Kvar for oss er næringsliv, frivillig sektor og offentleg sektor viktige drivarar i lokalmiljø. Ved å jobba meir på tvers og sjå ting i ein større samanheng kan me oppnå ein større meirverdi for alle. Hjelmeland kommune vil leggja til rette for ein frivillig sektor med stort mangfald i lagsliv og breitt engasjement.»

Kommunen slutta seg til Fritidserklæringa i 2020 som seier at kommunen vil jobbe aktivt for at alle barn og unge i Hjelmeland får høve til å delta jamnleg i minst ein organisert fritidsaktivitet. I tillegg til den nasjonale Leve hele livet reforma er dette døme på arbeidsoppgåver som kommunen vil løyse i samarbeid med frivillige organisasjonar.



2 Kommunen sin strategi

A Me ønskjer eit breiast mogleg samarbeid

Det klassiske samarbeidspunktet mellom frivillig og offentlig sektor er gjennom kommunen sin kulturseksjon. Frivillig innsats er likevel både ønskjeleg og blir utøvd i stort mon også på andre felt, som via omsorg, oppvekst og bygg/anlegg. Døme på dette er bygdekvinnelaget som i 2017 kokar graut til elevane på ungdomsskulen annakvar veke. Frivillig innsats skal vera eit tillegg til kommunen sitt ordinære driftsapparat, og kjem ikkje i staden for dette. Generelt kan ein seia at det handlar om å spela på lag med lokalsamfunnet. Hjelmeland kommune vil møte lokale initiativ på ein løysingsorientert måte.

B Me vil leggja til rette for aktiv deltaking

Folkehelseperspektivet skal leggjast til grunn. Ein viktig veg til god helse for den enkelte går gjennom aktiv deltaking. I tillegg er dei frivillige sine ressursar viktige bidrag til dei andre innbyggjarane i kommunen. Ved at kommunen er aktiv med og legg til rette for slik deltaking, er ein også med på å byggja opp om folkehelsa. Kommunen ser positivt på at tilsette er aktive deltakarar i frivillig arbeid.

C Me vil leggja opp til gode samarbeidsrutinar med lag og organisasjonar

Hjelmeland kommune vil leggja til rette for eit langsiktig og ryddig samarbeid med gode rutinar. Kommunen vil også bidra til å skapa møteplassar mellom kommune, privat og frivillig sektor. I punkt 4 er det lagt til grunn eit eige årshjul som sikrar regelmessig kontakt og auka samhandling. Det skal leggjast vinn på utvikla rutinar som kan vera tidseffektive for begge partar.

D Me vil leggja til rette for synleggjering av tiltak for trivsel og aktivitet for innbyggjarar og gjester

Hjelmeland kommune vil bidra til å synleggjera den frivillige aktiviteten som finst, m.a. på eigne nettsider, og gjennom regelmessig frivillig torg. Det er ønskjeleg å få til gjensidig informasjon om større arrangement som kan trekkja folk til kommunen (på ein særleg måte, slik at ein kan nytta slike høve på ein breiare måte.)

E Me ønskjer aktivitet i bygga

Hjelmeland kommune vil leggja til rette for at lag og foreningar skal kunne nytta kommunale bygg, i tråd med gjeldande utleigereglement. Kommunen vil leggja til rette for samarbeid med grendalag om grendahusdrift der det ikkje lengre er bruk for bygga i ordinær kommunal drift.

F Me vil ha regelmessig kontakt og konkret samarbeid med grendalag

Hjelmeland kommune ønsker å vidareutvikla kontakt med grendeutvala både gjennom felles treffpunkt for alle utvala, og gjennom kontakt knytt til det enkelte geografiske området. Kommunale einingar er viktige element i lokalsamfunnet. Dei har ansvar for å gjera seg kjent med sitt nærmiljø, og invitera til samspel der det er aktuelt. Dette skjer i stort mon også i 2017, som når Frivilligsentralen og omsorgssenter samarbeider om opne kulturarrangement. Alle einingar bør leggja til rette for opne arrangement i møte med lokalsamfunnet rundt. Dette kan også skje ved at fleire einingar samarbeider om felles arrangement, t.d. «ope hus».

G Me vil at kontakt med kommunen skal skje mellom dei saka gjeld

Hjelmeland kommune har som utgangspunkt at kontakt mellom frivillig sektor og kommune skjer mellom dei saka gjeld. I tillegg skal rådmannen syta for at det til ei kvar tid er faste kontaktpersonar for grendeutvala og for andre lag og organisasjonar i administrasjonen.

H Me vil leggja nasjonale «frivilligpolitikk»-bod til grunn

Hjelmeland kommune vil tilstreba å leggja dei ti boda for frivilligpolitikk, utarbeidd av Frivillighet Norge, til grunn for sin frivilligpolitikk.

I Faste avtalar kan vera ønskjeleg i høve til særlege føremål

Hjelmeland kommune vil, når det er aktuelt, inngå faste samarbeidsavtalar om utføring av spesielle tenester, til fordel for begge partar. I slike avtalar kan det ved enkelte høve også liggja inne ei godtgjering til laget eller til rein utgiftsdekning. Døme må dette er avtale om oppkøyring av løyper, eller om mogleg drift av gamle skulebygg til grendahus.

J Involvering

Eldrerådet, Rådet for menneske med nedsett funksjonsevne og Ungdomsrådet skal bli invitert med i felles møter mellom kommunen og frivillige lag og foreiningar, der det er aktuelt. Desse tre råda skal bli innkalla til det årlege kontaktforum med frivillige lag og organisasjonar.

3 Dei 10 boda for frivilligpolitikk

Hjelmeland kommune vil så langt som råd leggja dei ti boda for frivilligpolitikk utarbeidd av Frivillighet Norge til grunn for sitt arbeid. Dei lyder slik (hovudtrekk):

- 1 Kjenna frivillig sektor i kommunen
- 2 Frivilligpolitikken skal gjelda alle kommunale sektorer
- 3 Anerkjenna eigenverdien ved frivillig arbeid
- 4 Forenkling gir meir frivillig innsats
- 5 Leggja til rette for at organisasjonar og lag kan nå eigne mål
- 6 Skapa dialog med frivillig sektor gjennom faste treffpunkt og opplæring
- 7 Anerkjenna og støtt opp om meirverdien ved frivillig verksemd
- 8 Gi frie midlar
- 9 Ikkje konkurrera med frivillig verksemd
- 10 Skapa føreseielege rammer for frivillig arbeid

4 Årshjul

Tidspunkt	Frekvens	Kva Tiltak	Kven møter/kor senda?
Januar	Årleg	Felles kontaktforum Evaluera strategien Ynskje nye velkomne	Lag/org., ordførar, politikarar, rådmann og faste kontaktpersonar
Februar	Årleg	Årssamling frivilligsentralen	Lag/org
Mars	1. mars	Søknadsfrist frivilligfond	Kommunen
	1. mars	Søknadsfrist kulturmidlar og midlar til grendeutval	Kommunen
	Før 31.mars	Laga melder inn endringar i kontaktdata til Brønnøysundregisteret	Lag og foreningar
	Årleg	Felles møte med grendeutvala	Grendeutvala, ordførar, rådmann og faste kontaktpersonar
Juni	1. juni	Søknadsfrist frivilligfond	Kommunen
September	1. september	Søknadsfrist frivilligfond	Kommunen
	Årleg	«Søknadskveld»	Lag/org., kulturleiar og faste kontaktpersonar
	Årleg	Felles frivilligstand på Ryfest, eventuelt som del av den kommunale standen.	Grendeutvala og fast kontaktperson
Oktober	1. oktober	Frist for spelemidlar	Kommunen etter særskilt kunngjering
	Kvart 3. år	Frivillig torg	Lag/org., repr. for næringsliv, ordførar, politikarar, rådmann og faste kontaktpersonar
	1.oktober	Melda inn forslag til vinnar av kulturpris/eldsjelpris	Kommunen etter særskilt kunngjering
November	Årleg	Felles møte grendeutvala	Grendeutvala, ordførar, rådmann og faste kontaktpersonar
Desember	1. desember	Søknadsfrist frivilligfond	